

ԼԻ. Խոզսիսյան

ԱԿՐԱՐԱՅԻՆ ՇԱՐԺՈՒՄՆԵՐԸ ՀԱՅԱՍՏԱՆՈՒՄ 1917 թ.
ՓԵՏՐՎԱՐ-ՀՈԿՏԵՄԲԵՐ ԱՄԻՍՆԵՐԻՆ

1917 թ. փետրվարյան բուրժուա-դեմոկրատական ռևոլյուցիայի հաղթանակը մեծ իրադարձություն հանդիսացավ ոչ միայն Ռուսաստանի, այլև միջազգային ռևոլյուցիոն շարժման պատմության մեջ։ Ռևոլյուցիայի հաղթանակի շնորհիվ տապալվեց եվրոպական և ասիական ռեակցիայի հենարան ցարական միապետությունը։

Բուրժուա-դեմոկրատական ռևոլյուցիայի հաղթանակը բոլշևիկյան պարտիան դիտում էր որպես առաջին քայլը՝ պրոլետարիատի կողմից իշխանության գրավման համար մղվող պայքարում։

Լենինը և Ստալինը ռևոլյուցիայի հենց առաջին օրերին պարտիային ու բանվոր դասակարգին սովորեցնում էին՝ շարունակել պայքարը, մոբիլիզացնել բանվոր դասակարգի ու ուղջ աշխատավորության ուժերը և բուրժուա-դեմոկրատական ռևոլյուցիայից անցնել սոցիալիստական ռևոլյուցիայի։

Բուրժուա-դեմոկրատական ռևոլյուցիան մինչև հաղթական վախճանը հասցնելու, սոցիալիստական ռևոլյուցիայի անցնելու գլխավոր պայմաններից մեկը Լենինը և Ստալինը համարում էին բանվոր դասակարգի և գյուղացիության ամուր գաշինքը, գյուղացիությունը բանվոր դասակարգի հետևից տանելը, ագրարային հարցի արմատական լուծումը։

Փետրվարյան ռևոլյուցիայի հաղթանակից հետո ողջ պարտիայի հետ միասին ընդհատակից դուրս գնան նաև Հայաստանի բոլշևիկները և ծավալեցին ռացահայտ քաղաքական աշխատանք, մոբիլիզացրին Հայաստանի աշխատավորությանը, վճռական պայքարի ելնելու՝ բուրժուա-դեմոկրատական ռևոլյուցիայից սոցիալիստական ռևոլյուցիայի անցնելու համար։

Իրականացնելով Լենինի-Ստալինի ցուցումները և պարտիայի ապրիլյան կոնֆերենցիայի պատմական որոշումները, Հայաստանի բոլշևիկները լուրջ ուշադրություն դարձրին աշխատավոր գյուղացիության վրա, գլխավորեցին ծավալվող ագրարային շարժումները և գյուղացիությանը համախմբեցին բանվոր դասակարգի շուրջը՝ իշխանությունը գրավելու համար մղվող պայքարում։

Անդրկովկասի, առավելապես Հայաստանի բնորոշ գծերից մեկը տնտեսական հետամնացությունն էր, տնտեսության գերակշռող ագրարային բնույթը՝ ճորտատիրական կացութաձևի դեռևս ամուր մնացորդներով։ Փետրվարյան ռևոլյուցիայի նախօրյակին, այժմյան Սովետական Հայաստանի տերիտորիայում եղած վարելահողերի 25 տոկոսը գտնվում էր կալվածատերերի և վանճերի ձեռքին։ Համարյա նույնքան վարելահող գտնվում էր կուլակների ձեռքին։ Վարելահողերի միայն 50 տոկոսն էր գտնվում աշխատավոր գյուղացիության տրամադրության տակ, այն դեպքում, երբ նրանք կազմում էին գյուղական բոլոր տնտեսությունների մոտ 90 տոկոսը։ Հայաստանի 140 հազար հեկտար խոտհարքներից 100 հազար հեկտարը պատկանում էր կալվածատերերին, բնա-

գերին, աղալարներին, կուլակներին և պետական գանձարանին: Այդիների 60—70 տոկոսը գտնվում էր կալվածատերերի և ունևոր մյուս դասերի ձեռքին: Իրենց տնտեսական գոյությունը քարշ տալու համար գյուղացիները հարկադրված էին ամենածանր պայմաններով վարձակալել ինչպես կալվածատիրական, այնպես էլ վանքապատկան ու պետական հողերը: Հայկական գյուղերում,— գրում է Ստեփան Շահումյանը «որտեղ տիրակալում են զանազան բեգերն ու աղալարները,— գեռես պահպանվում են հին կարգերը, գյուղացիները հողի դիմաց կալվածատերերի համար զանազան պարսակներ են կատարում»:

Համաշխարհային պատերազմը էլ ավելի ծանրացրեց հայ աշխատավոր գյուղացիության դրությունը: Մի կողմից գյուղի աշխատունակ մասի զորակոչի ենթարկվելը, մյուս կողմից լծկան անասունների, հատկապես քաշող ուժի ձիեր և ալյն՝ վերցվելը պատերազմի կարիքների համար, կատաստրոֆիկ կերպով քայքայեցին գյուղատնտեսությունը: Պատերազմի տարիներին կրճատվեցին ցանքերի տարածությունները, համարյա լրիվ քայքայվեց առանց այն էլ վատ ոռոգման սիստեմը, խիստ կրճատվեց բերքատվությունը, չտեսնված չափերի հասավ անասունների գլխաքանակի անկումը:

Պատերազմի տարիներին ավելացան հարկերը, ամեն տեսակի բռնագրավումները: Պատերազմի յուրաքանչյուր տարին նոր արհավիրքներ էր բերում գյուղացիության համար: Աղքատությունն ու սովը դարձան հայկական գյուղի ամենաբնորոշ հատկանիշները:

Այսպիսով, Հայաստանի աշխատավոր գյուղացիությունը փետրվարյան ռևոլյուցիայի նախօրյակին ենթարկվում էր անասելի շահագործման և հազիվ քարշ էր տալիս իր աղքատ, իրավազուրկ վիճակը:

Հողի պակասը, գյուղացիության անասելի շահագործումը աղալարների, բեգերի, կալվածատերերի, կուլակների և եկեղեցու կողմից, իմպերիալիստական պատերազմի ծանր հետևանքները, սովն ու աղքատությունը,— այս քուրր ավելի սրեցին դասակարգային պայքարը գյուղում, ուժեղացրին գյուղացիության դժգոհությունը տիրող կարգերի դեմ: Այդ է պատճառը, որ Փետրվարյան ռևոլյուցիայի հաղթանակը արագորեն ծավալվելով, շարժման մեջ դրեց Ռուսաստանի մյուս ժողովուրդների հետ միասին նաև հայ ժողովրդին, ոտքի հանեց նրան ռևոլյուցիոն պայքարի:

Փետրվարյան ռևոլյուցիայի հաղթանակի լուրը Հայաստան հասավ ռևոլյուցիայի հենց առաջին օրերին:

Հայաստանի աշխատավոր գյուղացիությունը ռևոլյուցիայի հաղթանակի լուրը դիմավորեց ակտիվ ելույթներով: Նա պայքարի դուրս եկավ ցարական վարչական հին ապարատի դեմ, կազմակերպեց գյուղացիական Սովետներ, բռնադրավելով կալվածատերերից, կուլակներից, վանքերից և ունևոր մյուս դասակարգերից հողը:

Պայքարը հայկական գյուղում ընթանում էր ամենալարված պայմաններում: Յուրաքանչյուր պարտիա և հասարակական շերտ աշխատում էր իր կողմը դրավել գյուղացիությանը, որովհետև վերջինս կազմելով բնակչության

1. Հ. Թոմասյան, Հայաստանի էկոնոմիկայի պարզացումը տնտեսության վերականգնման և երկրի ինդուստրիալիզմի համար միջոց պայքարի շրջանում, Նրևանի Պետ. համալսարանի դիտ. աշխ., հատ. 27, էջ 99:

2. Մա. Շահումյան, ԼՂԽԻԲ երկեր, էջ 531:

գերակշռող մասը և հանդիսանալով լուրջ ուժ, վճռական ազդեցություն պետք է ունենար ռևոլյուցիայի ընթացքի վրա դրական կամ բացասական կերպով:

«Նայած այն հանգամանքին,— գրում է Լենինը 1917 թ. ապրիլին,— թե քաղաքային պրոլետարիատին կհաջողվի՝ արդյոք իր հետևից տանել գյուղական պրոլետարիատին և միացնել նրան գյուղի կիսապրոլետար մասսային, թե՞ այդ մասսան կգնա գյուղացիական բուրժուազիայի հետևից, որը ձգտում է Գուլկովի, Միլյուկովի կապիտալիստների, կալվածատերերի հետ դաշնակցելուն և ընդհանրապես դեպի կոնտրոլուցիան,— նայած այդ հանգամանքին, կորոշվի ռուսական ռևոլյուցիայի բախտն ու ելքը...»¹

Գյուղացիությանը իր կողմը գրավելու համար մղվող պայքարը խիստ բնույթ ստացավ ինչպես ողջ Անդրկովկասում, այնպես էլ Հայաստանում: Այդ պայքարը հիմնականում ընթանում էր երկու պարտիաների միջև՝ դաշնակցության,— որն իր շուրջը համախմբելով կոնտրոլուցիոն բոլոր խմբերին աշխատում էր գյուղացիությանը իր հետևից տանել ու խանգարել ռևոլյուցիայի հետագա խորացմանը Հայաստանում,— և բոլշևիկների միջև, որոնք ձգտում էին ամրապնդել բանվոր դասակարգի և գյուղացիության դաշինքը, ոտքի հանել ողջ աշխատավորությանը և ռևոլյուցիան հասցնել մինչև հաղթական վախճանը:

Գյուղացիությանը իր հետևից տանելու համար դաշնակցությունը դիմում էր պայքարի բոլոր խարդախ միջոցներին՝ խաբեբայության, կեղծ «սոցիալիստական» լոզունգների, շանտաժի, գյուղացիական զանազան աղբյուրների կազմակերպությունների, ընկերությունների ստեղծման: Նա աշխատում էր ղեկավար տեղ գրավել կազմակերպվող գյուղացիական սովետներում, գյուղում ստեղծվող վարչական նոր ապարատում և այլն: Դաշնակցությունը ամեն կերպ ձգտում էր հանդես գալ գյուղացիության «պաշտպանի» դերում:

Դաշնակցության բուրժուա-կալվածատիրական-կուլակային քաղաքականության մերկացմամբ հանդես եկավ բոլշևիկյան պարտիան: Հայաստանի բոլշևիկները՝ գյուղացիության մեջ ծավալելով ագիտացիոն-պրոպագանդիստական լայն աշխատանք, նրան ոտքի հանեցին կալվածատիրական հողերի բռնագրավման համար, գյուղացիներին բացատրելով, որ առանց իշխանությունը բանվորների, գյուղացիների և զինվորների դեպուտատների Սովետների ձեռքը վերցնելու, նրանք երբեք չեն ունենա ոչ հող, ոչ ազատություն:

Ռևոլյուցիայի հենց առաջին օրերից Հայաստանի բոլշևիկները աշխատում են ամենուրեք ստեղծել գյուղացիական Սովետներ և նրանց աշխատանքին տալ դասակարգային բնույթ, աշխատում են Սովետների շուրջը համախմբել չքավոր գյուղացիությանն ու բատրակությանը, հեռու պահել գյուղացիությանը դաշնակցության վնասակար ազդեցությունից:

Լայն աշխատանք ծավալելով գյուղացիական Սովետների ներսում, Հայաստանի բոլշևիկները ելնում էին Լենինի այն հայտնի ցուցումից, որ կալվածատերերի դիմադրությունը ջախջախելու համար անհրաժեշտ է, որպեսզի մարդային և տեղական գյուղացիական դեպուտատների Սովետները իրենց ձեռքը վերցնեն բոլոր հողերի վրա կարգադրություն անելու իրավունքը:

«Տարակույս չկա,— գրել է Լենինը ապրիլին,— որ մեր պարտիայի բոլոր անդամները, բոլոր գիտակից բանվորները, բոլոր ուժերով կաջակցեն գյու-

¹ Վ. Ի. Լենին, Երկեր, հատ. 34, էջ 333, Հայպետհրատ:

ղացիների դեպուտատների Սովետների կազմակերպմանը, հոգ կտանեն նրանց թիվը մեծացնելու, նրանց ուժերն ամրապնդելու համար, իրենց կողմից կլարեն բոլոր ջանքերը, որպեսզի այդ Սովետների ներսում աշխատանք կատարեն հետևողական և խստորեն—պրոլետարական դասակարգային ուղղությամբ»¹

Կատարելով Լենինի այդ ցուցումները, Հայաստանի բոլշևիկները զգալի հաջողություններ ձեռք բերեցին գյուղացիական Սովետների ստեղծման և նրանց միջոցով հողային հարցի լուծման գործում:

«Պայքար» թերթում² կարելի է հանդիպել բազմաթիվ հաղորդումների, որտեղ նկարագրվում են գյուղացիական Սովետների ստեղծումը և պայքարը այդ Սովետների ներսում:

1917 թ. ապրիլի 12-ին Շնող գյուղից գրում են, որ գյուղում ստեղծվել է գյուղացիական Սովետ, որը ղեկավարում է գյուղի բոլոր գործերը, բայց դանդաղ է պայքարում հին իշխանության ներկայացուցիչների դեմ:³

«Պայքարի» հոդվածագիրը հաղորդում է, որ Լոռվա շրջանի գյուղերում նույնպես ստեղծվել են գյուղացիական Սովետներ, բայց ղեկավարության մեջ մեծ տեղ են գրավում կուլակային տարրերը: Հոդվածագիրը կոչ է անում սոցիալ-դեմոկրատիային՝ բացատրական լայն աշխատանք կատարել գյուղացիության մեջ:⁴

Ուլունլարից նույն թվի մայիս ամսին հաղորդում են, որ շրջանի գյուղացիական Սովետների ընտրությանը ակտիվ կերպով մասնակցում են նաև կանայք: Բոլոր գյուղերում ստեղծվել են Սովետներ, և խիստ կարիք է զգացվում սոցիալ-դեմոկրատական աշխատանք կազմակերպող ընկերներին:⁵

Մայիսի 28-ին ստեղծվում է Երևանի նահանգային գյուղացիական դեպուտատների Սովետը, բաղկացած 29 հոգուց, որի կազմի մեջ են մտնում նահանգի բոլոր ազգություններին պատկանող գյուղացիների ներկայացուցիչները:⁶

Գյուղացիական Սովետների ստեղծման մասին բազմաթիվ փաստեր կարելի է բերել Հայաստանի տարբեր շրջաններից: Ստեղծված Սովետներում պայքարը գնալով ավելի է սրվում: Բոլշևիկյան պարտիան ուժեղացնելով իր ազդեցություն աշխատանքը գյուղացիության մեջ, գլխավոր հարվածն ուղղում է դաշնակցության դեմ, աշխատելով գյուղացիության պայքարը դնել դասակարգային ինտերեսների ազդրունքների վրա:

Դաշնակցականները իրենց աշխատանքը չէին սահմանափակում գյուղացիական Սովետներով: Անդրկովկասի կոնտրոնուցիոն պարտիաների հետ միասին, նրանք, գյուղացիական մասսաներին իրենց ազդեցության տակ զցելու, կալվածատիրական հողերի բռնադրավումները կանխելու և ընդհանրապես գյուղացիության դասակարգային դիտակցությունը մթազնելու նպատակով, Փետրվարյան ռեուցիտյից հետո ձևոնամուխ են լինում այսպես կոչված «Գյուղացիական ազգային միությունների» կազմակերպմանը: Այդ միություններում դաշնակցականներն աշխատում են կենտրոնացնել կուլակային տարրե-

¹ Լենին, Երկեր, հատ. 21, էջ 192:

² Իրը դեռ բոլշևիկները ակտիվորեն մասնակցում էին նրա աշխատանքներին:

³ «Պայքար», № 16, 1917 թ.:

⁴ Նույն տեղում, № 28, 1917 թ.:

⁵ Նույն տեղում, № 31, 1917 թ.:

⁶ ՏԵՍ ՀՍՍՐ ՊԿԱ Ֆ. 93, դ. 25, թ. 8:

րին, նրանց միջոցով գյուղացիությանը պատվաստել ազգային շովինիզմի թույլներ:

Անդրկովկասի կոնտրռևոլուցիոն պարտիաների, հատկապես դաշնակցության դեմ համառ պայքար էին ծավալում Ստ. Շահումյանը, Ա. Միկոյանը և նրանց ղեկավարությամբ գործող քոլշևիկյան կազմակերպությունները:

1917 թ. մայիսին «Պայքար» թերթում լույս տեսավ ընկեր Ա. Միկոյանի «Գյուղացիական ազգային միությունները և դրությունը կովկասում» հոդվածը: Ընկեր Միկոյանը սուր կերպով մերկացնում է դաշնակցության հակաժողովրդական, նացիոնալիստական քաղաքականությունը: Ցույց տալով, որ Փետրվարյան ռևոլուցիայից հետո Հայաստանի աշխատավոր գյուղացիությունը շարունակում է ապրել տնտեսական ամենածանր պայմաններում, ընկեր Միկոյանը կոչ է անում գյուղացիությանը՝ անողոք պայքար մղել կալվածատերերի ու կուլակների դեմ, հեռու մնալ դաշնակցական գյուղացիական ազգային միություններից, որոնց նպատակն է գյուղացիներին պահել խավարի ու ստրկության վիճակում, շեղել նրանց դասակարգային պայքարից: «Ռուսաստանի սոցիալ-դեմոկրատական բանվորական պարտիան, — գրում է ընկեր Միկոյանը, — կոչ է անում Կովկասի բոլոր ազգերի գյուղացիներին՝ հայերին, թուրքերին, վրացիներին՝ կազմակերպվել միջազգային դասակարգային գյուղացիական միության մեջ, անողոք դասակարգային պայքար մղել կոնտրռևոլուցիոն տիրապետող դասակարգերի դեմ և հանուն մեր բոլորիս երազած լավ ապագայի, կռվել ու կոփել բոլոր ազգերի և բոլոր երկրների աշխատավորության միջազգային համերաշխությունը»¹:

Անդրկովկասի բոլշևիկները շատ լավ գիտակցում էին, որ առանց ագրարային հարցի արմատական լուծման՝ Անդրկովկասում անհնար է բուրժուազեմոկրատական ռևոլուցիան վերստին սոցիալիստականի: Ագրարային հարցի լուծման բնագավառում ուղեցույց ունենալով պարտիայի Լադիլյան կոնֆերենցիայի որոշումները, Լենինի և Ստալինի ցուցումները, Անդրկովկասի բոլշևիկները վճռական կերպով մերկացնում էին հողային հարցի լուծումը մինչև Սահմանադիր ժողովի հրավիրումը հետաձգելու պահանջի կոնտրռևոլուցիոն էությունը: Բոլշևիկները մերկացնում էին մենշևիկների և կոնտրռևոլուցիոն մյուս պարտիաների այն զրպարտությունները, թե իբր բոլշևիկների կողմ՝ ռևոլուցիոն ճանապարհով կալվածատիրական հողերի բռնագրավման մասին, նշանակում է գյուղում ստեղծել տնարխիա: Բոլշևիկները գյուղացիական լայն մասսաներին ցույց էին տալիս, որ հողային հարցի լուծման հետաձգումը մինչև Սահմանադիր ժողովը, նշանակում է գյուղացիությանը նորից թողնել հողագուրկ վիճակում, կանգնել ռևոլուցիայի կես ճանապարհին:

«Քանի որ Սահմանադիր ժողովի գումարման ժամկետը հայտնի չէ, — գրում է ընկեր Ստալինը, — քանի որ Սահմանադիր ժողովի գումարումը հետաձգում է ժամանակավոր կառավարությունը... ապա դուրս է գալիս, որ փաստորեն հողը պետք է մնա չհերկված, կալվածատերերը մնում են հողի տեր, գյուղացիներն առանց հողի, իսկ Ռուսաստանը, իսկ բանվորները, գյուղացիներն ու զինվորները — առանց բավարար քանակությամբ հացի... դործարանատերերի ու կալվածատերերի կառավարությունը այլ կերպ չի էլ կարող վերաբերվել գյուղացիներին...»

Այդ պատճառով էլ մենք դիմում ենք ամբողջ Ռուսաստանի գյուղացիներին, ամբողջ գյուղացիական չքավորությունը — իր պործն իր սեփական ձեռքը վերցնել և այն առաջ շարժել:

Մենք կոչ ենք անում նրանց՝ կազմակերպվել ռևոլյուցիոն գյուղացիական կոմիտեների մեջ՝ վոլոստային, գավառական և այլն) և, նրանց միջոցով իրենց ձեռքն առնելով կալվածատիրական հողերը, ինքնակամ մշակել դրանք կազմակերպված կարգով:

Մենք կոչ ենք անում այդ կատարել անհապաղ, չսպասելով Սահմանադիր ժողովին և ուշադրություն չդարձնելով ռեակցիոն միևիպտրական արգելքներին, որոնք աշխատում են կանգնեցնել ռևոլյուցիայի անիվը...

Ապասելու և մինչև Սահմանադիր ժողով հետաձգելու քաղաքականությունը, բռնադրավումից «ժամանակավորապես» հրաժարվելու քաղաքականությունը... դասակարգերի միջև խուսանալիս (չիների թե որեւէ մեկին վիրավորենք և տեղում ամոթալի կերպով դուրսելու քաղաքականությունը ռևոլյուցիոն պրոլետարիատի քաղաքականությունը չէ»:

Իրականացնելով լենինյան-ստալինյան դիրեկտիվները, Հայաստանի բոլշևիկները, Անդրկովկասի բոլշևիկների հետ միասին, իրենց շուրջը համախմբելով չքավոր գյուղացիությունն ու բատրակությունը, բարձրացնելով նրանց դասակարգային դիտակցությունը, սրում էին դասակարգային պայքարը գյուղում, կազմակերպում գյուղացիությունը՝ առանց սպասելու Սահմանադիր ժողովին, ձեռնամուխ լինել կալվածատիրական հողերի բռնադրավմանը:

Կալվածատիրական հողերի բռնադրավման ղեկավարը Հայաստանում սկսվում են ռևոլյուցիայի հենց առաջին օրերից:

1917 թ. մարտի 14-ին Ալեքսանդրապոլի շրջանի մի շարք գյուղերի բնակիչներ հեռացնում են անտառապահներին և իրենց հանրային օգտագործման տակ վերցնում անտառները: Չկարողանալով ոչինչ անել, տեղական վարչությունը դիմում է Երևանի նահանգային կոմիսարիատին և խնդրում միջոցներ ձեռք առնել:²

Գյուղացիները խլում էին նաև պետական, կալվածատիրական, եկեղեցական հողերը և օգտագործում դրանք:

1917 թ. ապրիլի 10-ին Երևանի Հողագործություն վարչությունը բողոքում է Երևանի նահանգային կոմիսարիատին և Գործադիր կոմիտեին, որ Ռեւդամալ գյուղի բնակիչները խլել են վարձակալ Սարգիս Երանովի հողերը, բաժանել իրենց մեջ՝ խախտելով գոյություն ունեցող բոլոր մասնատրական և պետական օրենքները: Վարչությունը խնդրում է ձեռք առնել կոբուկ միջոցներ, վերջ տալ գյուղացիության կողմից կատարվող նման քայլերին:

Ապրիլի 14-ին նույն վարչությունը դիմում է Երևանի նահանգային կոմիսարիատին և հայտնում, որ Կոյա-Խարաբա գյուղի աղբբեջանցի բնակիչները խլել են նույն գյուղի վարձակալ Համո-Ուսո-Օղլու հողերը և բաժանել իրար մեջ:³

Հետաքրքիր է այն, որ պետական ապարատը կոբոտություն միայնակ պաշտպանում է ինչպես հայ, այնպես և աղբբեջանցի կալվածատերերի, կուլակների շահերը:

¹ Ի. Վ. Սասուն, Երկիր, հատոր 3, էջ 39—41:

² ՏԵՍ ՀՍՍՌ ՊԿԱ Ֆ. № 39/103, գ. 105, թ. 2:

³ Նույն տեղում, ֆ. № 39/103, գ. 105 թ. 3:

⁴ Նույն տեղում, ֆ. № 39/103, գ. 105 թ. 4:

Այդ է վկայում հետևյալ փաստը: Էջմիածնի վանքը դեռևս 1912 թվից սկսած Գյուկ-Քիլիսայում գտնվող իր վանքապատկան հողերից ավելի քան 138 դեսյատին վարձակալությամբ 6 տարի ժամկետով տվել էր Ն. Հեջիուզ գյուղի կուլակ Հաջիմիր-Ջալալ Միր-Ջաֆար Օղլուն, Գյուկ-Քիլիսա գյուղի կուլակ Մաշադի-Հուսեյն Հաջի Սաֆար Օղլուն և Հաջի Մուդան գյուղի կուլակ Հաջի-Սահմեդ Օղլուն: Փետրվարյան ռևոլուցիայից հետո Գյուկ-Քիլիսայի գյուղացիները բռնագրավում են վանքապատկան այդ հողերը և իրենք են օգտագործում, սպառնալով վարձակալ կուլակներին, որ եթե նրանք դիմեն կառավարական օրդաններին և փորձեն հողը հետ գրավել, ապա, գյուղացիները նրանց կսպանեն: Չնայած գյուղացիների ղեկառնություններին, նշված երեք կուլակներն էլ մայիսի 2-ին հատուկ բողոքով դիմում են Երևանի նահանգային կոմիսարիատին, պահանջելով, որ կառավարությունը վճռական միջոցների դիմի և վերադարձնի հողերը իրենց:¹

Սակայն այդ կուլակների բողոքները և նահանգական կոմիսարիատի բուրդ կարգադրությունները չեն կարողանում ազդել գյուղացիության վրա: Գյուկ-Քիլիսայի գյուղացիները չեն ձեռնարկվում ոչ մի որոշման, վերջնականապես դուրս են շարտում վարձակալներին հողից և իրենք են սկսում հավաքել բերքը: Այս անգամ արդեն կուլակների շահերի պաշտպանության դերում հանդես է գալիս Երևանի հոգևոր թեմը, պահանջելով նահանգային կոմիսարիատից՝ ամենավճռական միջոցների դիմել Գյուկ-Քիլիսայի գյուղացիության դեմ և պաշտպանել թե՛ վանքի և թե՛ այդ կուլակների շահերը: Երևանի հոգևոր թեմի բողոքագրի մեջ, որն ուղարկվել է հունիսի 27-ին, ասված է. «Գյուկ-Քիլիսա գյուղի գյուղացիները դիմադրում են նույն գյուղի մոտ գտնվող վանքապատկան հողերի վարձակալողների կողմից բերքի հավաքմանը: Նկատի ունենալով, որ այդ հողի վրա կարող են առաջանալ անցանկալի հետևանքներ, խնդրում ենք ձեռք առնել հնարավոր խիստ միջոցներ»:²

1917 թ. մայիսին Երևանի նահանգի Ողջաբերդ և Շոր-Բուլաղ գյուղերի բնակիչները, բռնագրավում են Կորգանովների ամբողջ կալվածքը և ցանում են՝ խնչպես ցանկանում են:

Այդ կալվածքի բռնագրավման շուրջը ստեղծված գրագրություններից երևում է, որ տեղական իշխանությունները ռեալ ոչ մի քայլի չեն կարողանում դիմել, գյուղացիները գրավում են Կորգանովների կալվածքը և օգտագործում:

Այս բոլոր փաստերը վկայում են, որ աղբարային շարժումները, կալվածատիրական, վանքապատկան, կուլակային հողերի բռնագրավումները Հայաստանում, Փետրվարյան ռևոլուցիայից հետո մեծ ծավալ էին ստացել:

1917 թ. մայիսին Լենինի գրած այն խոսքերը, թե «Աղբարային շարժման աճումն ամբողջ Ռուսաստանում այժմ ամենից ակնհայտ ու անվիճելի փաստն է բոլորի համար», ամբողջովին վերաբերում էր նաև Հայաստանին:

Գլխավորելով գյուղացիության պայքարը հողի բռնագրավման համար, Հայաստանի բոլշևիկները, Անդրկովկասի բոլշևիկների հետ միասին, հետևողական կերպով կատարում էին այն ցուցումները, որ Լենինը տալիս էր պարտիային՝ սրել դասակարգային պայքարը դյուղում, առանց որի բուրժուա-դեմոկ-

¹ ՀՍՍՌ ՊԿԱ Ֆ. № 39/103, դ. 105, թ. 19:

² Նույն տեղում, թ. 40:

³ Նույն տեղում, թ. 22, 89:

⁴ Վ. Ի. Լենին, Երկեր, հատ. 24, էջ 344:

րատական ռեզոլուցիան սոցիալիստականի վերաճելու հարցը գյուղում չի կարող հաջողությամբ ունենալ: Ահա թե ինչ է գրում Լենինը այդ մասին. «Որքան ավելի վճռական ու ավելի հետևողական լինի կալվածատիրական հողատիրության խորտակումն ու վերացումը, որքան ավելի վճռական ու ավելի հետևողական լինի բուրժուա-դեմոկրատական ազդարային բարեփոխությունը Ռուսաստանում ընդհանրապես, այնքան ավելի մեծ ուժով ու արագությամբ կզարգանա գյուղատնտեսական պրոլետարիատի դասակարգային պայքարն ընդդեմ ունևոր գյուղացիության (գյուղացիական բուրժուազիայի)»¹:

Ամառվա ամիսներին գյուղացիության պայքարը կալվածատիրության և կուլակության դեմ ավելի սուր բնույթ ստացավ: Հայ աշխատավոր՝ գյուղացիությունը գնալով ավելի է համոզվում դաշնակցության հակաժողովրդական քաղաքականության մեջ, երես թեքում նրանից, ավելի սերտորեն համախմբվում բոլշևիկյան պարտիայի շուրջը:

1917 թ. հուլիսին «Պայքար» թերթի թղթակիցը Սանահինից գրում է, որ Լոռվա շրջանում «ամենուրեք գյուղերում նկատվում է պայքարը հների և նորերի միջև: Որքան մեծ է այդ պայքարում տիրահաղթող դաշնակցականների ազդեցությունը, այնքան ուժեղ է պայքարը... Բայց հաղթողը, իհարկե հանգիստանում է միշտ պյուղի դեմոկրատիան, որը այսօր շատ լավ է դիտակցել, ինչ որ վեր են եղել դաշնակցականները և ինչով են նրանք ղեկավարվել, ու ղեկավարվում»: Այնուհետև թղթակիցը նկարագրում է, որ հունիսի 3-ին, երբ տեղի ունեցավ Սանահին գյուղի գյուղացիական Սովետի ընտրությունները, Սովետում ընտրվեցին ժողովրդի ներկայացուցիչները, ռեզոլուցիոն տարրերը: Սակայն Սանահինի թղթակիցը նշում էր, որ գյուղացիության պայքարը միայն ընտրությունների շուրջը չէր գնում, Լոռվա շրջանում մի քանի վեճեր և տարաձայնություններ են ծագել գյուղացիների և կալվածատերերի միջև, ըստ որում կառավարությունն այդ վեճերը հարթելու համար ավելացրել է միլիցիոներների թիվը: Հասկանալի է, որ այստեղ խոսքը հասարակ վեճերի ու տարաձայնությունների մասին չէ: Հենց այն հանգամանքը, որ կառավարությունը ավելացնում է շրջանի միլիցիոներների քանակը, վկայում է այն սուր պայքարի մասին, որ գնում էր Լոռվա շրջանում աշխատավոր գյուղացիության և կալվածատիրության միջև:

Դաշնակցության ազդեցության անկման և գյուղում դասակարգային պայքարի սրման մասին է վկայում նաև հետևյալ փաստը: Հունիսի 9-ին Ջալալ-Օղլուց գրում են. «Մի մեծ երևույթ է նկատվում գավառում՝ այս մեծ հեղափոխությունից հետո, երևույթ, որ չի կարելի անտես առնել, ամբողջ սրտով շողջունել:

Հայ գյուղացին սկսում է արթնանալ, սթափվել, ճանաչել իր իսկական բարեկամներին, ազատագրվել «սոցիալիստ» դաշնակցականներից:

Լոռվա կենտրոնում Ջալալ-Օղլուն պարզված է ՌՍԴԲ կուսակցության դրոշակը, հիմնված է տեղական կոմիտե»²:

Որքան ավելի են ծավալվում հողերի բռնադրամները, ևնդրկովկասի կոնտրռեզոլուցիոն պարտիաներն այնքան ավելի են ուժեղացնում իրենց քայքայիչ աշխատանքը: 1917 թ. մայիսին տեղի ունեցավ քանվորների և գյու-

¹ Վ. Ի. Լ. և Ի. Ե. Երկեր, հատ. 24, էջ 354-355:

² «Պայքար», № 44, 1917 թ.:

³ Նույն տեղում:

⁴ Նույն տեղում, № 48, 1917 թ.:

դացիների դեպուտատների երկրային Սովետի համագումարը: Համագումարը չուժեց ազրաբային հարցը և կոնտրոլուցիոն բոլոր պարտիաների ջանքերով որոշում ընդունեց՝ թողնել այդ հարցի լուծումը մինչև Սահմանադիր ժողովը: Համագումարի որոշումները լուրջ նշանակություն չունեցան գյուղացիների համար և վերջիններս շատ տեղերում շարունակեցին իրենց ձևով լուծել հողային հարցը, բռնագրավել կալվածատիրական, վանքապատկան, պետական, կուլակային հողերը և բաժանել իրար մեջ:

Հողային հարցի լուծման այդ եղանակը շատ էր անհանգստացնում ինչպես Անդր. Հատուկ կոմիտեին, այնպես էլ կոնտրոլուցիոն բոլոր պարտիաներին, որովհետև շնայած համագումարի որոշումներին և Անդր. Հատուկ կոմիտեի կողմից հրապարակված բազմաթիվ հրամաններին, նախազգուշացումներին, ռեզոլուցիոն գյուղացիության դեմ կիրառվող ռեպրեսիաներին, գյուղացիությունը նոր թափով և ավելի վճռական կերպով դիմում էր հողի բռնագրավումներին:

Գյուղացիությանը դասակարգային պայքարից շեղելու, Անդրկովկասում ծավալվող գյուղացիական շարժումները և հողի բռնագրավումները կանխելու նպատակով Անդրկովկասյան կոնտրոլուցիան հունիս ամսին ձեռնամուխ եղավ այսպես կոչված Անդրկովկասի գյուղացիական համագումարի հրավիրմանը:

Համագումարը թացվեց 1917 թ. հունիսի 20-ին, Գիֆլիսում: Դա Անդրկովկասի կոնտրոլուցիոն, նացիոնալիստական պարտիաների մի հավաքածու էր: Համագումարում կազմելով մեծամասնություն, էսեռա-մենշևիկյան և նացիոնալիստական պարտիաները կարողացան համագումարի ղեկավարությունը իրենց ձեռքը վեցնել և քննել այնպիսի հարցեր ու անցկացնել այնպիսի որոշումներ, որոնք ոչ մի կապ չունեին գյուղացիության շահերի հետ:

Կատաղի հարձակումներ գործելով կալվածատիրական հողերի կոնֆիսկացիայի և ամբողջ հողերի ազգայնացման բոլշևիկյան ծրագրի դեմ, կոնտրոլուցիոն պարտիաներին հաջողվեց անցկացնել այնպիսի բանաձև, որը դատապարտում էր գյուղացիության կողմից հողերի բռնագրավումը և ազրաբային հարցի լուծումը կրկին թողնում էր Սահմանադիր ժողովին:

Համագումարն ամբողջովին անցավ ժամանակավոր կառավարության ներքին ու արտաքին քաղաքականության պաշտպանության նշանաբանով:

Համագումարն ստեղծեց կոնտրոլուցիոն պարտիաների ներկայացուցիչներից բաղկացած Գյուղացիական դեպուտատների երկրային կենտրոն: Այդ կենտրոնը անմիջապես դաշինք կնքելով կալվածատիրության հետ և ստանալով նրանից ֆինանսական օժանդակություն, իր ամբողջ գործունեությունն ուղղեց գյուղի աշխատավորական մասսաների դեմ:

Անդրկովկասի բոլշևիկների հետ միասին, Հայաստանի բոլշևիկները անողոք պայքար ծավալեցին գյուղացիական կենտրոնի դեմ, ցույց տալով, որ հողային հարցը կարող են լուծել միայն քանվորական, գյուղացիական ու զինվորական Սովետները և իրենք՝ գյուղացիները, ռեզոլուցիոն ճանապարհով:

Չնայած հուլիսյան դեպքերից հետո ժամանակավոր կառավարության կատաղի հարձակմանը և այսպես կոչված «սոցիալիստական» պարտիաների կատարյալ դավաճանությանը ռեզոլուցիային, նրանց անցմանը իմպերիալիզմի լազերը, շնորհիվ բոլշևիկների կատարած եռանդուն աշխատանքի, գյուղացիական շարժումները ընդհուպ մինչև Հոկտեմբերյան ռեզոլուցիան, ինչպես

ողջ Անդրկովկասում, այնպես էլ Հայաստանում, ավելի մեծ ծավալ են ստանում։ Ավելի մասսայական են դառնում կալվածատիրական, վանքապատկան և կուլակային հողերի բռնագրավումները։ Աշխատավոր գյուղացիությունը ավելի մասսայաբար ու անվերադարձ կերպով երես է թեքում կեղծ «սոցիալիստական» ու նացիոնալիստական պարտիաներից։

Ագրարային հարցը համարելով ուսական ուսուցիչայի կարևոր հարցերից մեկը, բոլշևիկյան պարտիան՝ Լենինի և Ստալինի գլխավորությամբ, հուլիսյան օրերից հետո նոր ձևով դրեց նրա լուծումը։ Լենինը պարտիային ուսուցանում էր, որ այժմ խաղաղ ճանապարհով չի կարելի լուծել հողային հարցը, որ գյուղացիությունը այլևս խաղաղ ճանապարհով չի կարող հող ստանալ, հողային հարցի լուծումը այժմ հնարավոր է միայն զինված ապստամբության միջոցով։ «Հողի անցումը գյուղացիներին այժմ, — գրում է Լենինը հուլիսի 10-ին, — անհնար է առանց զինված ապստամբության, որովհետև կոնտրոլություն, իշխանությունը վերցնելով, լիովին միացել է կալվածատերերի, որպես դասակարգի, հետ»։¹

Կատարելով Լենինյան այդ ցուցումները, Հայաստանի բոլշևիկները ևռանդուն աշխատանք ծավալեցին գյուղացիության մեջ։

Հուլիսյան դեպքերից հետո ավելի հետևողական ու վճռական է դառնում աշխատավոր գյուղացիության պայքարը ժամանակավոր կառավարության, կուլակության, կալվածատիրության դեմ և ավելի մասսայական են դառնում հողերի բռնագրավումները։

1917 թ. հուլիսին Նոր-Բայազետում գյուղացիական դժգոհությունները այնպիսի ծավալ են ստանում, որ ռայոնի կոմիսարը դիմելով Նահանգային կոմիսարիատին և Անդր. Հատուկ Կոմիտեին, խնդրում է զինվորական շքանշաններով՝ շրջանում կարգը վերականգնելու համար։²

Գյուղացիները բռնագրավում են ոչ միայն առանձին կալվածատերերի, կուլակների հողերը, այլև պետական, ակցիոներական ընկերությունների հողերը, բոլորովին հաշվի չառնելով այն հանգամանքը, որ պետական ուսարատը կղիմի այդպիսի դեպքերում ավելի խիստ միջոցների։

Օգոստոսի 24-ին Արագոդայանի Շերեմետովի գյուղատնտեսական և առևտրա-արդյունաբերական ակցիոներական ընկերությունը, որի վարչությունը գտնվում էր Պետրոգրադում, Երևանի նահանգային գործադիր կոմիտեին հետևյալ դիմումն է ուղարկում «Պատիվ ունեմ հայտնելու Նահանգային Գործադիր կոմիտեին, որ վարելահողերի և խոտհարքների ինքնակամ բռնագրավումները սկսել են հանդես գալ Արագոդայան կալվածքի վարձակալող գյուղացիների մեջ, ըստ որում խախտվում են ոչ միայն կալվածատիրական իրավունքները, այլև առանձին վարձակալողների իրավունքները։ Բացի դրանից՝ Դավալու կոչվող գյուղի քնակիչները եկել ու սկսել են տեղ-տեղ ինքնակամ կերպով վարել կալվածքի հողերը ու հնձել խոտը, տանելով Դավալու։

Ը նկատի ունենալով վերոհիշյալը, թախանձագին խնդրանքով դիմում եմ Նահանգային Գործադիր կոմիտեին, միջոցներ ձեռք առնել ինչպես Արագոդայան կալվածքի, այնպես էլ առանձին վարձակալող գյուղացիների գույքային իրավունքները պաշտպանելու համար, քանի որ առանց Նահանգային Գործա-

¹ Վ. Ի. Լենին, երկեր, հատ. 25, էջ 210, Հայպետհրատ։

² ՏԵՍ ՀՍՍՌ ՊԿԱ Ֆ. 39/103, դ 105, Թ. 112։

դիր կոմիտեի կողմից այդ իրավունքների համապատասխան պաշտպանության, կստեղծվի լրիվ անաբխիա...»¹

Նահանգային կոմիտարիատը անմիջապես կարգադրություն է անում երևանի դավառային կոմիտարին, որպեսզի վերջինս վճռական քայլերի դեմի և պաշտպանի Շերեմետովի ակցիոներական ընկերության շահերը:

Սակայն, չնայած Նահանգային կոմիտարիատի կարգադրություններին և սպառնալիքներին, մինչև 1917 թ. վերջը գյուղացիները համարյա ոչ մի պարտավորություն էլ չեն կատարում և հողը մշակում են այնպես, ինչպես իրենք են ցանկանում:

Դժգոհությունները մասսայական բնույթ են ստանում Գորիսի շրջանում: Փետրվարյան ռևոլյուցիայից հետո այստեղ գյուղացիները բռնագրավում են պետական ու կալվածատիրական անտառները: Կառավարական օրգանները դիմում են անգամ բռնությունների, բայց գյուղացիները շարունակում են իրենց գործը:

Մի շարք վայրերում, ի պատասխան անտառապահների կողմից կիրառվող բռնությունների, գյուղացիները դիմում են զինված դիմադրության: Գորիսի անտառապահության վարչության պետն իր զեկուցագրում նշում է, որ գյուղացիների կողմից եղել են՝ «Մի անտառապահի վիրավորում, մի քանի անտառապահների զինաթափում, հարձակում երկու անտառապահների վրա նրանց սպանելու նպատակով» և երկու տեղում իրեն դիմադրություն ցույց տալու փորձը:²

Զինված պայքարի միջոցով կալվածատիրական, վանքապատկան հողերը բռնագրավելու մասին են վկայում նաև հետևյալ փաստերը:

Գոմաձորի թեմակալի թեմի հողերի գրավման մասին տրված զեկուցագրի մեջ ասված է.

«1917 թ. սկզբներում, երբ մեր երկիրը անիշխանություն տիրեց, Գոմաձորի գյուղացիք օգտվելով այդ հանգամանքից, ամբողջ հասարակությունով բռնի ուժով և զինու զորությամբ դուրս հանեցին վանքի կանոնավոր կապալառուին՝ Քարվանսարեցի Պ. Գարսեվանին և իրենք տիրեցին, հաստատ համոզվելով, որ վանքի կալվածքները բաժանելուց այդ իրենց բաժին կրնան»:³

Գոմաձորի գյուղացիները չեն սահմանափակվում վանքապատկան հողերի բռնագրավմամբ, նրանք բռնագրավում են նաև վանքապատկան ջրաղացը:

Այգ մասին ահա թե ինչ է գրում Գոմաձորի վանքի վարդապետ Մաշտոցը. «1917 թ. սկզբներում, Գոմաձոր գյուղի բնակիչները զինու զորությամբ Քարվանսարայի արենդատոր պ. Գարսևան վարդանյանին հեռացրին վանքապատկան իլենովկային կից ջրաղացից և իրանք եղան տեր»:⁴

Այգ մասին էլ վկայում են Սևանի վանքի կառավարիչը 1919 թ. ներքին Ախտայի հաշտարար Իստավորին գրած զեկուցագրում. «1917 թվին Գոմաձորի բնակիչները, օգտվելով եղած անիշխանությունից, իլենովկայի մոտ եղած վանքապատկան ջրաղացի արենդատոր, քարվանսարացի պ. Գարսևան վարդանյանի վրա են հարձակվում և զինու զորությամբ տիրա-

¹ ՀՍՍՌ ՊԿԱ. ֆ. 39/103, գ. 105, թ. 102:

² ՀՍՍՌ ՊԿԱ ֆ. 67/199, գ. 28, թ. 24--25:

³ ՀՍՍՌ ՊԵՍ. ԿԵՆՍ. ԱՐԽԻՎ, ֆ. № 37, Գ. 117, թ. 46:

⁴ ՀՍՍՌ ՊԵՍ. ԿԵՆՍ. ԱՐԽԻՎ, ֆ. 37, գ. 117, թ. 43, նույնի մասին աևս ֆ. 37, գ. 117, թ. 17--18, 32, ս. 120, թ. 28:

պետում են, դուրս անելով արենդատորին, վանքին զրկելով իրեն մի քանի տասնյակ տարիների սեփականությունից: Այս բռնի տիրապետությունը տևում է մինչև 1918 թ. մաքիս ամիսը...»¹

Ինչպես տեսնում ենք, Գոմաձորի գյուղացիության պայքարը վանքի ու կապալառուների դեմ, բավական սուր բնույթ էր ստացել: Ըստ որում կարևոր է այն, որ մեկ տարուց ավելի նրանք իրենց ձեռքում են պահել վանքից բռնագրաված ինչպես ջրաղացը, այնպես էլ հողերը: Միայն դաշնակցության տիրահաղթական տիրապետության հաստատումից հետո անողորմ կերպով ճնշվում են Գոմաձորի գյուղացիների ռևոլյուցիոն ելույթները, նրանցից հետ է խլվում ինչպես ջրաղացը, այնպես էլ վանքապատկան հողերը և վերադարձվում վանքին:

Սեպտեմբերի 14-ին «Կովկասկիյ ռաբոչիյ» թերթի թղթակիցը «Հողերի բռնագրավումներն ընդունում են լայն շափեր» հոդվածում նկարագրում է, թե ինչպես Բորչալուի և Ղազախի գավառների հայ գյուղացիները մյուս շրջանների գյուղացիների նման մասսայաբար գրավում են պետական, կալվածատիրական հողերը և կոլեկտիվ կերպով օգտագործում:

«Բորչալուի գավառում և Իլիզավետպոլի նահանգում (Ղազախի գավառում), — գրում է թղթակիցը, — որքան գնում, այնքան ավելի են գյուղացիները բռնագրավում աղալարական, կալվածատիրական, բաժնեկալվածային և վարձակալական ամբողջ հողերը: Առայժմ բռնագրավում են արոտավայրերն ու խոտհարքները, բայց երբեմն բռնագրավում են նաև վարելահողերը: Այդ հողերը բռնագրավվում են տվյալ գյուղի ամբողջ բնակչության կամ մի քանի գյուղերի բնակիչների կողմից միասին, բայց ոչ առանձին անհատների կողմից»²:

Աշխատավոր գյուղացիության պայքարի մյուս ձևը գա հարկերի վճարումներից հրաժարվելն էր: Կալվածատիրական հարկերից մասսայական ձևով հրաժարվելու դեպքեր են տեղի ունենում 1917 թ. օգոստոսին Բորչալուի հայկական գյուղերում: Հարկերից գյուղացիների հրաժարվելը այնպիսի մասսայական բնույթ էր ստացել, որ այդ փաստը հարկադրված խոստովանում էր անգամ դաշնակցական ու հայ մենչևիկյան մամուլը:

«Բորչալուի գավառում ևս, — գրում է «Պայքարը», — տեղի ունեն տարածայնություններ գյուղացիների և կալվածատերերի միջև: Կալվածատեր Արամյանի հայկական Արամզեն և Նալբանդ գյուղերում և թուրքական Այրում, Լեզքադին ու մի քանի այլ գյուղերում չեն ցանկանում վճարել բահրա... նույնպիսի վիճակում են Լոռիս-Մեխիթյանի կալվածքներում ապրող ճոճկանի գյուղացիք, որոնք հրաժարվում են բահրա վճարել»³:

Դյուղում կատարվող դասակարգային պայքարի ավանգարդում դնում էին բատրակներն ու գյուղական բանվորները: Այդ տեսակետից պետք է հիշել Երևանի նահանգի «Ղրո-Շան-Գիրեյի» կալվածքի քանվորների ու ծառայողների համառ պայքարը՝ իրենց տնտեսական և քաղաքական պահանջների բավարարման համար:

1917 թ. սեպտեմբերի 24-ին կալվածքի բանվորները և ծառայողները դիմում են Երևանի Սովետին, որպիսզի նա միջոցներ ձեռնարկի և պարտագրի

¹ ՀՍՍՌ ՊԿԱ. ֆ. 37, գ. 117, թ. 13-14:

² «Կովկասկիյ Ռաբոչիյ» № 149, 1917 թ.

³ «Պայքար» № 100, 1917 թ.:

կալվածքի տեր Քսենյա Դիտովային՝ բավարարելու իրենց տնտեսական պահանջները, այն է՝ աշխատավարձը ավելացնել 30—50 տոկոսով, մթերքների, հատկապես ցորենի վրա սահմանել կայուն գներ և այլն»¹։

Երևանի Սովետը և Գործադիր կոմիտեն, որը տեղական իշխանության կցորդն էր, կալվածքի բանվորների և ծառայողների պահանջների բավարարման գործում ցուցաբերում է խիստ անվճռականություն, որից օգտվելով կալվածքի տեր Դիտովան հրաժարվում է նրանց պահանջները բավարարելուց։

Այդ պահանջը մերժվելուց հետո՝ հոկտեմբերի 10-ին կալվածքի «...բոլոր բանվորների և ծառայողների կողմից հայտարարվում է գործադուլ»²։ Կալվածքի տեր Դիտովան հարկադրված համաձայնվում է՝ բավարարել բանվորների պահանջները, բացի մեկ կետից, սակայն բանվորներն ու ծառայողները ոչ մի զիջում չընդունելով, շարունակում են գործադուլը։ Այս անգամ Դիտովան համաձայնվում է բավարարել բանվորների բոլոր պահանջները։ Կալվածքի բանվորական կոմիտեն դա համարում է իրենց «առաջին հաղթանակը»³։

Այդ հաղթանակից հետո բանվորները նոր թափով են շարունակում պայքարը։ Հոկտեմբեր ամսին կալվածատիրոջը ներկայացնում են նոր պահանջագիր, որտեղ առաջարկվում էր սահմանել 8 ժամյա բանվորական օր, ընտրել բանվորական կոմիտե, առանց որի համաձայնության կալվածքի տերը իրավունք չպետք է ունենար բանվորներին և ծառայողներին ազատել աշխատանքից, տուգանքներ նշանակել և այլն։ Պահանջվում էր կազմել հաշտարար ատյան, աշխատանքից ազատվողները, նայած ստաժի, պետք է ստանային լրացուցիչ վարձատրություն, հիվանդության ժամանակ բանվորներին պետք է վճարվեր փող և այլն։⁴

Հիշատակության արժանի է հատկապես Նոր-Բայազետի գյուղացիության պայքարը կալվածատեր Մատուրովների դեմ։ Մատուրովները Հայաստանի ամենախոշոր կալվածատերերից էին։ Նրանց կալվածքը բաղկացած էր ավելի քան 5.000 դեսյատին անտառից, հարյուրավոր դեսյատին վարելահողից, խոտհարքից, այգիներից և այլն, ունեին նաև հսկայական քանակությամբ անասուններ։ Մատուրովների կալվածքի մի մասը, հատկապես անտառները, օգտագործվում էր պետական ազնվականական հողային բանկի Անդրկովկասի բաժանմունքի կողմից, իսկ մի զգալի մասը տրված էր վարձակալությամբ ինչպես մասնավոր անձանց, այնպես էլ զինվորական կազմակերպություններին։

Նոր-Բայազետի դավառի հարյուրավոր և հազարավոր աշխատավոր գյուղացիների «խաղաղ» թալանը Մատուրովների կողմից, շարունակվում էր մինչև փետրվարյան ռևոլյուցիան։ Ռևոլյուցիայից հետո, Հայաստանի մյուս շրջանների գյուղացիության հետ միասին, վճռական պայքար են սկսում նաև Նոր-Բայազետի գավառի գյուղացիները։ Հողագուրկ գյուղացիությունը հենց սկզբից դիմում է կալվածատիրական հողերի բռնագրավմանը։ 1917 թ. ապրիլից սկսած Արզաքյանդի, Աղվերանի, Ալափարսի, Բժնու, Դալլարի և մի շարք այլ գյուղերի բնակիչներ բռնագրավում են Մատուրովների վարելահո-

¹ ՀՍՍՌ ՊԿԱ ֆ. 55 119, գ. 15, թ. 3։

² ՀՍՍՌ ՊԿԱ ֆ. 93, գ. 15, թ. 1—14։

³ Նույն տեղում, 93, գ. 15, թ. 15։

⁴ Նույն տեղում, 55 119, գ. 15, թ. 12։

⁵ Նույն տեղում, 55 119, գ. 15, թ. 13—14։

յերը, խոտհարքը, անտառները, բաժանում իրար մեջ և օգտագործում: Անդր-
Հատուկ կոմիտեն և տեղական իշխանությունները դիմում են ամեն տեսակ
միջոցների, մինչև իսկ զինված ուժի, բայց ոչինչ անել չեն կարողանում: Ի պա-
տասխան ռեպրեսիաների՝ գյուղացիները 1917 թ. ամռանը դրավում են նաև
նրանց ցանքատարածությունները, բաժանում իրար մեջ և բերքահավաքը կա-
տարում իրենք: Ահա թե ինչպես է նկարագրում Մատուրովների կալվածքի
կառավարիչ Փարվանյանցը այդ կալվածքի բռնագրավման պատմությունը
1917 թ. հունիսի 10-ին Անդր. Հատուկ կոմիտեն գրած դիմումում:

«... Մատուրովների խաղաղ տիրությունը (իրենց կալվածքի վրա — Ռ. Մ.)
շարունակվեց մինչև ս/թ ապրիլ ամիսը, իսկ հեղաշրջումից հետո համագյու-
ղացիները սկսել են ինքնակամ կերպով բռնագրավել իրենց հողակտորների
մոտ գտնվող հողերը:

Հենց որ գյուղացիները սկսեցին հանդես բերել իրենց հափշտակողական
բնագրերը, հենց որ գյուղացիական ջարդերի առաջին ծիծեռնակները ելևա-
ցին Արզաքյանդում, և երբ գյուղացիները կատարեցին առաջին բռնագրա-
վումները, ես անմիջապես գնացի երևան և բոլորի մասին մանրամասնորեն
զեկույցեցի Գործադիր կոմիտեին:

Եթե բռնագրավումների առաջին օրերը խիստ միջոցառումներ կիրառ-
վեին, ապա հափշտակումները չէին տարածվի և ժամանակավոր կառավա-
րության համար չէր ստեղծվի տաղնապային վիճակ, բայց այստեղ հարցին
մոտեցան զգուշորեն և արմատախիլ չարեցին շարիքը, որի պատճառով էլ
դործը այժմ բարդացել է և պահանջում է զինվորական ուժի միջամտություն.
այլապես անհնար է դադարեցնել ջարդերը:

Գործադիր կոմիտեն ուղարկեց երկու պատգամավորների, որոնք հավաքե-
ցին համագյուղացիներին և հայտնեցին, որ այլևս բռնություն չկատարեն.
և ուրիշ ոչինչ: Նրանց մեկնելուց հետո, հենց մյուս օրը, գյուղացիները բոլորու-
միև նեղացրին ինձ, բռնագրավեցին քոլոր հողերը, բաժանեցին մեր հողամա-
ռերը իրար մեջ... գյուղացիները մասսայականորեն սկսել են վարել մեր հո-
դերը, խոտհարքները բաժանել իրար միջև և վարելահող են դարձրել: Հարևան
գյուղացիները նույնպես սկսել են վարել, այդ հողերով անցկացնել առուներ,
սկսել են խոտհարքներում ծառեր տնկել: Մի խոսքով՝ սկսել են տնօրինել
որպես իրենց սեփականությունը, և ինձ կարգադրել են չխանգարել իրենց,
սպառնալով վայրենի դատաստանով: Ես նորից յիմեցի Գործադիր կոմիտեին,
իբայց այնտեղից օգնություն չստացա: Վերջապես, սկսել են կտրատել ան-
տառները և ես, կանխատեսելով սարսափելին՝ կալվածքի լրիվ ոչնչացումը,
յիմեցի կոմիտեին նոր խնդրանքով, հեռագիր ուղարկեցի Անգրկովկասյան
Հատուկ կոմիտեին, բայց ոչ մի տեղից օգնություն չստացա ու Մատուրովների
կալվածքն ամբողջությամբ ավերվեց: Այժմ կտրատում են անտառները և եթե
հեռագրով կարգադրություն չանեք, ապա այնտեղից շուտով միայն հիշողու-
թյուն կմնա:

Մատուրովների կալվածքում կա մինչև հարյուր գլուխ աշխատող և
կաթնատու անասուն, այժմ գյուղացիները հրամայում են շտանել անասուննե-
րը արոտավայրերը, որովհետև նրանք չեն ճանաչում Մատուրովների իրավուն-
քը այն արոտավայրերի նկատմամբ, որ արդեն գրավել են իրենք...

Վարակը շատ շուտ տարածվեց շրջակայքում և այժմ արածում են ան-

տպոներում ու արոտավայրերում՝ Արզաքյանդ, Աղվերան, Ալափարս, Բժնի, Դալլար և ուրիշ գյուղերի բնակիչների անասունները...

Վերոհիշյալի մասին զեկուցում եմ Կոմիտեին և խոնարհաբար խնդրում կալվածքն ուղարկել զինվորական ուժ և դադարեցնել հետագա ավերումը... Ազգաբնակչությունը Արզաքյանդում ընտրել է Գործադիր կոմիտե և հենց այդ Կոմիտեն է, որ բնակչությանը հրահրում է դեպի ավերումներ...

Բոլոր ազատ հողերը և խոտհարքներն արդեն բռնագրավված են գյուղացիների կողմից: Բացի դրանից, մենք ունենք արտեր, որոնք մի ամսից հետո կհասնեն, բայց մեր ցանքերը նույնպես գյուղացիները բաժանել են իրար մեջ: Յուրաքանչյուրը ստացել է իր բաժին արտը և հատուկ նշաններով՝ ցուցադրությունով, քարերով, ակոսներով և այլն, նշել է իր բաժնի սահմանները:

Բացարձակ կերպով ասում են, որ ինձ թույլ չեն տա բերքը հավաքել, որ կհնձեն բոլոր մեր արտերը և բերքը կվերցնեն, և եթե ես սկսեմ խանգարել ու անհանգստացնել նրանց իմ բողոքներով, ապա ինձ կսպանեն»:

Անդրկովկասյան Հատուկ կոմիտեն կարգադրություններ է անում զինված ուժի միջոցով պաշտպանել Մատուրովների կալվածատիրական իրավունքը, բայց այդ դեպքում ես նա անզոր է գտնվում ճնշել գյուղացիների դիմադրությունը: Գյուղացիները կանգ չեն առնում զինվորական միջամտության առաջ, չեն վախենում նրանից և վճռական կերպով կատարում են հողի բռնագրավումները:

Հուլիսի 18-ին Անդր. Հատուկ կոմ.-ի անգամ Ա. Չխենկելին N° 5050 գրությամբ հետևյալ կարգադրություն է անում Երևանի նահանգային գործադիր կոմիտեին. «Ուղարկելով կից պետական հողային բանկի Անդրկովկասյան բաժանմունքի 1917 թ. հունիսի 8-ի N° 2388 դիմումը և Մատուրովների հեռագրի պատճենը, խնդրում եմ միջոցներ ձեռնարկել գործը հետաքրքրելու և կամայականություններին վերջ տալու համար: Հետևանքների մասին հայտնեցեք:

Ա. Չխենկելի».²

Երևանի նահանգային կոմիտարիատը մեկը մյուսի ետևից հեռագրեր է ուղարկում Անդր. Հատուկ կոմ.-ին՝ Մատուրովների կալվածքը պաշտպանելու համար իր կողմից կիրառվող միջոցառումների մասին, բայց հուլիսի 19-ին արդեն հարկադրված է լինում խոստովանել, որ առանց զինվորական մեծ ուժերի միջամտության ի վիճակի չէ կանխելու կալվածքների բռնագրավումները գյուղացիության կողմից, որ ագրարային շարժումը ընդգրկել է Երևանի ամբողջ նահանգը: Ահա այդ զեկուցագիրը՝

«Անդրկովկասյան Հատուկ կոմիտեին

Վերադարձնելով Հատուկ կոմիտեի ս/թ հուլիսի 11-ի N° 6118 գրության հետ միասին Մատուրովների կալվածքի կառավարիչ Բ. Ս. Փարվանյանցի դիմումը, նահանգի կոմիտարիատը հայտնում է, որ իր տրամադրության տակ գտնվող զինվորական ուժով անհնար է վերջնականապես կանխել այն ավե-

¹ ՀՍՍԻ ՊԿԱ ֆ. 39 103, գ. 88, թ. 17—18:

² ՀՍՍԻ ՊԿԱ ֆ. 39 103, գ. 88, թ. 4:

րումները, որ սկսվել են նահանգում, որպիսի վիճակում գտնվում է ոչ միայն Մատուրովների կալվածքը, այլ ամբողջ Երևանյան նահանգը»¹։

Օգոստոսին դժգոհություններն արդեն այն աստիճանի են հասնում, որ դուղացիները դիմում են ղինված դիմադրության՝ զենքը ձեռներին պաշտպանում են իրենց ձեռք բերած նվաճումները։

Ն. Ախատյի կոմիսար Մնացականովը օգոստոսի 19-ին Երևանի նահանգային կոմիսարին ուղարկած հեռագրում նշում է՝ «Ամբողջ բնակչությունը ղինված է և ցույց է տալիս դիմադրություն։ Խնդրում եմ ուղարկել ռազմական ուժ և անպայման կաղակներ, հակառակ դեպքում անարխիան կտարածվի ամբողջ գավառում»²։

Մատուրովների կալվածքի շուրջը տեղի ունեցած համառ պայքարը շարունակվում է նաև հետագա ամիսներին և վերջանում է գյուղացիության կատարյալ հաղթանակով։ Գյուղացիները վերջնականապես դուրս են շարտում կալվածքի կառավարիչին, բռնագրավում ոչ միայն հողային տարածությունները, այլև շարժական և անշարժ ողջ գույքը։ Դա Երևանի նահանգի աշխատավոր գյուղացիության խոշոր հաղթանակն էր տիրող կարգերի ու դաշնակների դեմ։ Դա վկայում էր դասակարգային այն սուր պայքարի մասին, որ մղվում էր Հայաստանում 1917 թ. փետրվարից—հոկտեմբեր ընկած ժամանակաշրջանում՝ բուլժնիկների պարտիայի ղեկավարությամբ։

Կարելի է հողային հարցի լուծման բնագավառում գյուղացիության կողմից մղված պայքարի բազմաթիվ նման փաստեր նշել նաև Հայաստանի այլ շրջաններից։

1917 թ. ագրարային շարժումը ընդգրկել էր ոչ միայն Երևանի նահանգը, այլև ամբողջ Հայաստանը։

Զանբանալով նոր փաստերի վրա, բերված փաստերի շարադրությունից հետևյալ եղրակացություններին ենք հանգում.

1. Հայաստանի աշխատավոր գյուղացիությունը, որը գտնվում էր տնտեսական ամենածանր պայմաններում, զրկված էր հողից և անլուր շահագործման էր ենթարկվում կալվածատերերի, կուլակների, եկեղեցու կողմից, Փետրվարյան ռևոլյուցիայի հաղթանակը դիմավորեց մեծ խանդավառությամբ, հույս ունենալով, որ նա կլուծի ագրարային հարցը հոգուտ իրեն։

2. Ռուսաստանի և Անդրկովկասի մյուս վայրերի պես, Հայաստանում ևս ռևոլյուցիայի հաղթանակից հետո ստեղծվեցին գյուղացիական Սովետներ։ Սակայն ինչպես բանվորական և զինվորական Սովետներում, այնպես էլ գյուղացիական Սովետներում ռևոլյուցիայից անմիջապես հետո մեծամասնություն կազմեցին մենշևիկները, էսենները և դաշնակցականները։ Բաշնակցությունը Հայաստանի աշխատավոր գյուղացիությանը դասակարգային պայքարից շեղելու և կալվածատիրության դեմ բարձրացող ագրարային շարժումները կասեցնելու նպատակով իր դեմագոգիայով ոչ միայն քայքայիչ աշխատանք է տանում Սովետներում, այլև ստեղծում է այսպես կոչված «աղգային գյուղացիական միություններ», ձգտելով գյուղացիության դասակարգային պայքարը փոխադրել նացիոնալիզմի հողի վրա։

3. Պաշտպանելով ժամանակավոր կառավարության հակագյուղադիական քաղաքականությունը, Անդրկովկասի կոնտրռևոլուցիոն պարտիաները

¹ ՀՍՍՌ ՊԿՄ, ֆ. 39 103, դ. 88, Կ. 23 24։

² Երևան տեղում։

կարողացան բանվորների և գյուղացիների դեպուտատների Սովետի մայիսին գումարված համագումարում անցկացնել հողի մունիցիպալիզացիայի ծրագիրը, ագրարային հարցի վերջնական լուծումը թողնելով Սահմանադիր ժողովին: Կազմելով մեծամասնություն և իրենց ձեռքը գցելով ղեկավարությունը, Անդրկովկասի կոնտրռևոլուցիոն պարտիաները ագրարային հարցը չեն լուծում նաև հունիսին գումարված Անդրկովկասի գյուղացիական համագումարում: Համագումարը ագրարային հարցի լուծումը ոչ միայն կրկին հետաձգում է մինչև Սահմանադիր ժողովը, այլ ընդունում է այնպիսի որոշումներ, որոնք դատապարտում են գյուղացիության կողմից հողերի բռնագրավումները:

4. Անդրկովկասի բոլշևիկների հետ միասին, Հայաստանի բոլշևիկները, ուղեցույց ունենալով Ապրիլյան կոնֆերենցիայի որոշումները և լենինի ու Ստալինի ամենօրյա ցուցումները, Ստ. Շահումյանի և Ա. Միկոյանի ղիտավորությամբ հետևողական կերպով մերկացնում են կոնտրռևոլուցիոն պարտիաների և առաջին հերթին դաշնակցության հակաժողովրդական, նացիոնալիստական քաղաքականությունը, գյուղական չքավորությանն ու բատրակությանը համախմբելով իրենց շուրջը, պայքարի են հանում նրանց՝ բռնագրավելու կալվածատիրական, կուլակային հողերը, իրականացնելու հողի ազգայնացման բոլշևիկյան ծրագիրը, առանց սպասելու Սահմանադիր ժողովին: Կազմակերպելով գյուղացիությանը հողերի բռնագրավման համար, Հայաստանի բոլշևիկները պայքարում են իրականացնելու լենինյան-ստալինյան դիրեկտիվները՝ բուրժուա-դեմոկրատական ռևոլուցիայից Սոցիալիստական ռևոլուցիային անցնելու մասին:

Հայաստանի բոլշևիկների համար ուղեցույց հանդիսացավ այն ճշմարտությունը, որ առանց գյուղացիության մեծամասնությունն իրենց կողմը գրավելու, իրենց հետևից տանելու, ամրապնդելու բանվոր դասակարգի և աշխատավոր գյուղացիության դաշինքը, անհնար է ռևոլուցիայի հետագա խորացումը, ժամանակավոր կառավարության տապալումը և Սովետական իշխանության հաստատումը Հայաստանում:

5. Չնայած ժամանակավոր կառավարության բազմաթիվ որոշումներին, Անդր. Հատուկ կոմ.-ի և տեղական իշխանությունների կողմից կիրառվող բռնություններին, չնայած դաշնակցության կողմից ծավալված նացիոնալիստական պրոպագանդային ունրա կողմից կիրառվող պայքարի ստոր միջոցներին, փետրվարից—հոկտեմբեր ընկած ժամանակաշրջանում, բոլշևիկների պարտիայի ղեկավարությամբ, ամբողջ Հայաստանում լայն ծավալ են ստանում ագրարային շարժումները, կալվածատիրական, վանքապատկան, պետական և այլ հողերի բռնագրավումները: Հայաստանի աշխատավոր գյուղացիությունը, առաջին հերթին չքավորությունն ու բատրակությունը, հատկապես հուլիսյան դեպքերից հետո, մասսայաբար սկսում է հեռանալ դաշնակցականներից ու մանր-բուրժուական պարտիաներից և ավելի սերտորեն համախմբվել բոլշևիկների պարտիայի գրոշի ներքո: Հոկտեմբերյան ռևոլուցիայի նախօրյակին հայկական գյուղը ալեկոծվում էր ագրարային-ռևոլուցիոն շարժումների ծովի մեջ: Գյուղացիության գիտակից մասը պատրաստ էր դենքը ձեռքին կռվելու, բուրժուական ժամանակավոր կառավարությունը տապալելու համար, պայքարելու հանուն հողի, դեմոկրատական ազատությունների և իմպերիալիստական պատերազմի անհապաղ ավարտման:

Р. Мовсисян

Аграрные движения в Армении в феврале—октябре 1917 г.

Р е з ю м е

Земельный голод, нищенское состояние крестьянства, жестоко эксплуатируемого помещиками и церковью, изо дня в день обостряли классовые противоречия в армянской деревне, вовлекая в борьбу вокруг аграрного вопроса все политические партии страны.

В первые же дни Февральской революции во многих деревнях Армении крестьяне создали Советы крестьянских депутатов. В апреле—июне были созданы Советы крестьянских депутатов почти во всех деревнях Армении; 27 мая был создан Совет крестьянских депутатов Эриванской губернии.

С самого же начала деятельности Советов крестьянских депутатов развернулась острая борьба между большевиками, с одной стороны, и меньшевиками и другими мелкобуржуазными партиями, с другой. Дашнакам, армянским меньшевикам и эсерам удалось завоевать большинство в Советах крестьянских депутатов. Эти партии всячески старались отвлечь крестьянство от классовой борьбы, не допускать конфискации помещичьих земель. Не удовлетворившись подрывной работой в Советах крестьянских депутатов, дашнаки приступили к созданию так называемых „Национальных крестьянских союзов“.

Большевики Армении, возглавляемые С. Шаумяном и А. Микояном, вели острую борьбу против создаваемых дашнаками „Национальных крестьянских союзов“, вскрывая их националистический характер, призывая крестьянство не вступать в эти союзы.

Большевики Армении, выполняя указания В. И. Ленина и И. В. Сталина, решительно выступили против политики складывания решения аграрного вопроса до созыва Учредительного собрания и, вопреки пассивности и сопротивлению некоторой части Советов, в которых преобладали дашнаки и представители мелкобуржуазных партий, возглавили борьбу крестьянства за конфискацию помещичьих земель. Захват помещичьих земель крестьянами начался в первые же дни революции.

Большевики, возглавив крестьянское движение за конфискацию помещичьих земель, одновременно развернули борьбу против деревенской буржуазии—кулаков.

Летом, в особенности после июльских событий, борьба трудящегося крестьянства Армении против помещиков и кулаков принимает еще более острую форму; крестьяне с боем захватывают помещичьи и церковные земли. Большевики Армении, руководствуясь ленинскими указаниями, возглавляли борьбу трудящихся крестьян Армении за свержение власти Временного правительства и ОЗАКОМ-а.

Руководимое большевиками Армении трудящееся крестьянство активно выступало и против продолжения империалистической войны.

Таким образом, несмотря на реакционные мероприятия правительства и применяемые ОЗАКОМ-ом и местными властями репрессии, несмотря на националистическую пропаганду дашнаков, в период с февраля по октябрь 1917 г. под руководством большевиков в Армении развернулось широкое аграрное движение за конфискацию земель помещиков, церкви и государства. Накануне Великой Октябрьской социалистической революции сознательная часть крестьянства Армении была готова с оружием в руках бороться за коренное решение аграрного вопроса, за свержение временного буржуазного правительства.